

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.10.2019թ.
թիվ 1910220731 որոշումն անփոփոխ, իսկ վարչական բողոքն առանց բավարարման
թողնելու մասին

<<29>> 11 2019թ. 17-13- 10037

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Էռնեստ Սմբատյանի 114383-19 դիմումի քննարկման
արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մաշտոցի պողոտայի 24 շենքի 13 բնակարանի բնակիչ Էռնեստ
Սմբատյանը դիմումով խնդրել է վերանայել վարչական տույժ նշանակելու մասին թիվ
1910220731 որոշումը՝ նշելով, որ հիվանդին տեղափոխել է հիվանդանոց:

Դիմումի քննարկման արդյունքում պարզվել է, որ դիմումատուի փաստարկը վարչական
ակտը բեկանելու հիմք չի կարող հանդիսանալ հետևյալ պատճառաբանությամբ.

<<Վարչական իրավախախտումների վերաբերյալ>> ՀՀ օրենսգրքի 17-րդ հոդվածի
համաձայն՝ վարչական պատասխանատվության ենթակա չէ այն անձը, որը թեև սույն
օրենսգրքով կամ վարչական իրավախախտումների համար վարչական
պատասխանատվություն սահմանող այլ նորմատիվ ակտերով նախատեսված գործողություն է
կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի
վտանգ վերացնելու համար, որը սպառնացել է պետական կամ հասարակական կարգին,
սոցիալիստական սեփականությանը, քաղաքացիների իրավունքներին ու ազատություններին,
կառավարման սահմանված կարգին, եթե այդ վտանգը տվյալ հանգամանքներում չէր կարելի
վերացնել այլ միջոցներով և եթե հասցված վնասը կանխված վնասի համեմատությամբ ավելի
նվազ կարևորություն ունի:

<<Էրեբունի>> բժշկական կենտրոնի ՓԲԸ-ի 15.11.2019թ-ի 02/06-1824 տեղեկանքի և
գրանցամատյանի էջի լուսապատճենի համաձայն Դավիթ Էռնեստի Սմբատյանը
<<Էրեբունի>> բժշկական կենտրոն ՓԲԸ տեղափոխվել է 26.09.2019թ-ին ժամը 01:00-ին՝
Կատառալ անգինա ախտորոշմամբ, տրանսպորտային միջոցի և ուղեկցող անձանց մասին
տեղեկություններ չեն հայտնել ինչպես նաև հիվանդի ծայրահեղ անհրաժեշտության վիճակում
լինելու վերաբերյալ:

Երևան քաղաքի <<Էրեբունի>> բժշկական կենտրոն ՓԲԸ-ի հայտնած տեղեկատվության
ուսումնասիրության արդյունքում չի հիմնավորվել վիճարկվող որոշումով արձանագրված
իրավախախտումը ծայրահեղ անհրաժեշտության վիճակում կատարելու հանգամանքը:

<<Վարչարարության հիմունքների և վարչական վարույթի մասին>> օրենքի 43-րդ հոդվածի 3-րդ մասի համաձայն՝ եթե սույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ **բացառապես տվյալ անձի միջոցով**, ապա ապացուցման պարտականությունը դրվում է այդ անձի վրա:

Վերը նշված նորմի պահանջին համապատասխան դիմումատուի կողմից չեն ներկայացվել այլ ապացույցներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.10.2019թ. թիվ 1910220731 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել էռնեստ Սմբատյանին:



Ե. Կարապետյան